

كف مين

كف مين يمسح عنيا
بعدك إنت كف مين؟
حضن مين حنون عليا
قولي يامًا حضن مين؟
م النهاردة الحزن جاني
والمكان مابقاش مكاني
لو ترجعي يامًا تاني
ابوس إيديكي طول السنين
ياريت يا غربة ماتطوليش
مشتاق لنظرة عنيا
دا بعد حناتها مافيش
ونفسي المس إيديها
وحشاني وخايف عليها
ومن غيرها ماليش تاني
ومين غيرها مافيش غيرها
يخفف عني أحزاني

وحشني صوتها وضحكتها
وكل شيء فيها
ياريت يا غربة ماتطوليش
مشتاق لنظرة عنيتها
كان نفسي ياما اكون جنبك
في يوم عيدك
وأنسى ف حزنك هموم قلبي وأبوس إيدك
وأقول باحبك من كل قلبي
والحنها وأغنيها
ياريت يا غربه ماتطوليش
مشتاق لنظرة عنيتها
الام ما الأم
يا مقصر ف حق الأم
لها فضل ومعزه
يعرفهم يتيم الأم
دا كل غالي وعزيز
وصفوه بكلمة أم
الفاتحة أم الكتاب

أظهر وأعظم أم
ومصر أم البلاد
والدنيا أجمل أم
لو فيه سجود للبشر
لأسجد انا للأم
الهي يكرمك يا مآ
ومن عطفك ما يحرمنا
يا جنة بالهنا تامة
عشاتها المولي يكرمنا
يا نور بيتنا يا بركتنا
الهي يكرمك يا مآ
يا شجرة حب طراحة
باشوف الخير منين ما أمشي
بالاقي ف حضنك الراحة
عيون وتبات ما بتنامشي
يا أول حب صادفني
أصادفه بشوقي وحنيني
دا قبل عنكي ما تشوفني

بقلبك يا مآ شوفتيني
يا نور بيتنا يا بركتنا
الهي يكرمك يا مآ
ومن عطفك ما يحررنا
يا جنة بالهنا تامة
عشانها المولى يكرمنا